



Einar Ulla, SEK

Svar - Forvaltningsrevisjon - Musea i Sogn og Fjordane - oppfølging av vedtak i FT-sak 3/18

Vi viser til vedtak i kontrollutvalet 06.09.2018 (KU-sak 38718) og dykkar påminning av 03.07.2019.

I vårt svarbrev av 06.08.2018 hadde vi systematisert vår oppfølging av Musea i Sogn og Fjordane på følgjande måte:

Kva	Korleis	Ansvar	Status
1. Rapportering	Årsmelding/rekneskap. Søknader. Munnleg rapportering i halvårlege dialogmøte (adm). Representantskapsmøte Rapportering på enkelttiltak der det er krav om det Styreleiar/direktør for MiSF møter hovudutval for næring og kultur årleg	Fylkesdirektør for næring og kultur Leiar hovudutval for næring og kultur	Innført Innført
2. Oppfølging av driftstilskot/ forventningar	Gjennom årsmelding og som fast punkt på halvårsmøta.	Fylkesdirektør for næring og kultur	Innført
3. Årshjul	Det vert gjennomført 2 årlege møte med fast dagsorden: Vår møte (april): <ul style="list-style-type: none"> Oppsummering førre året Økonomisk resultat Langsiktige utfordringar Haustmøte (sept): <ul style="list-style-type: none"> Årsplan kommande år Strategiar Budsjett Førebels innhald i tilskotsbrev 	Fylkesdirektør for næring og kultur	Innført
4. Avklaring av roller/ansvar	Ansvar og roller i høve saker nemnde i rapporten er drøfta og avklart Nye saker vert løyst gjennom fortløpande dialog og ev vedtak	Fylkesdirektør for næring og kultur	Gjennomført Fortløpande

Tilbakemelding frå kontrollutvalet (KU):

Tilbakemeldinga frå KU går på at tiltak pkt. 3 og 4 er tilfredsstillande, medan det vert etterspurt utdjuping av pkt. 1 og 2. I det følgjande oppsettet utdjupar/konkretiserer vi desse to punkta.

Utdjuping/konkretisering:

Kva	Korleis	Ansvar	Status
1.Rapportering	Musea i Sogn og Fjordane leverer årsmelding/ rekneskap i tråd med forventningane frå stat og fylkeskommune. Gjennomgang av års-melding og rekneskap er tema på vårmøte (jf. årshjul). I den grad musea i sin gjennomgang ikkje fokuserer på dei fylkeskommunale forventningane, tek fylkesdirektøren opp dette og får belyst dei områda fylkeskommunen har sett i sitt tilskotsbrev.	Fylkesdirektør for næring og kultur	Innført
	Søknad for påfølgjande år er også tema for samtalanene, særleg dersom det er større satsingar frå musea si side som krev ekstra merksemd, og/eller om det er vesentlege endringar i deira planer/prioriteringar framover	Fylkesdirektør for næring og kultur	Innført
	Dersom det er gitt ekstra midlar, eller dersom MiSF har vore involvert i særskilde prosjekt i regi av fylkeskommunen, vert det sett ordinært krav om rapportering, inkl. økonomisk rapportering der det er aktuelt. Dette er del av vår ordinære oppfølging i høve tilskotshandsaming.	Fylkesdirektør for næring og kultur	Innført
	Munnleg rapportering i halvårlege dialogmøte (adm), jf. årshjul i pkt. 3.	Fylkesdirektør for næring og kultur	Innført
	Representantskapsmøte er eit møte der alle stiftarane møter, saman med representantar for vertskommunane/regionråda, Høgskulen og kunstnarorganisasjonane. Hovudsak her er framlegging og gjennomgang av årsmelding og rekneskap, samstundes som det er rom for meir generelle drøftingar rundt forventningane til musea sin samla aktivitet i fylket.	Fylkesordføraren	Innført
	Styreleiar/direktør for MiSF møter hovudutval for næring og kultur årleg. Her legg dei fram dei saker dei meiner politisk side skal vere kjende med, og kan få tilbakemeldingar som dei tek med seg attende til sitt arbeid i styre og administrasjon.	Leiar hovudutval for næring og kultur	Innført
2.Oppfølging av driftstilskot/ forventningar	Før det oppsette vårmøtet får fylkesdirektøren tilsendt årsmelding og rekneskap frå Musea i Sogn og Fjordane. På møtet vert det ein gjennomgang av desse, med fokus på utviklinga i musea sitt arbeid førre året, og dei økonomiske resultatane, herunder korleis museet har handtert dei fylkeskommunale forventningane, og gjerne også ein diskusjon om ulike måtar å nærme seg desse forventningane på.	Fylkesdirektør for næring og kultur	Innført

Vi vil samstundes peike på at Musea i Sogn og Fjordane er ei sjølvstendig stifting med eige styre som prioriterer sin aktivitet i tråd med føremålet for Musea i Sogn og Fjordane, og i tråd med føringar frå stat og fylkeskommune.

Som fylkeskommune er vi også opptatt av at våre institusjonar både følgjer opp nasjonale og internasjonale føringar, t.d. frå ICOM, samstundes som dei tek innover seg lokale og regionale forventningar.

Med helsing

Tore Eriksen
Fylkesrådmann

Jan Heggheim
fylkesdirektør

Brevet er elektronisk godkjent og er utan underskrift

Mottakar (ar)
Einar Ulla, SEK

Kopi til:
Paal Fosdal, FRM